

正定府志卷之二十九

名世

上唐

漢五代

三國宋

南北朝金

元隋

周

樂書晉公族靖侯之孫樂賓食邑於樂故以爲氏書

仍封於樂爲晉卿景公十三年代卻獻子爲政鄭公
孫申帥師疆許田武子救許伐鄭取泥祭楚公子嬰
齊伐鄭武子救鄭與楚師遇於繞角楚師還晉遂侵
蔡楚公子申公成以申息之師救蔡禦諸桑隨趙盾
趙括欲戰請於武子知莊子范文子韓獻子諫田不
可乃遂還於是軍師欲戰者衆或請於武子曰聖人



與衆同欲是以濟事子盍從衆子爲大政將酌於民者也武子曰善鈞從衆夫善衆之主也三卿爲主可爲衆矣從之不亦可乎厲公三年秦桓公與晉爲令狐之盟而又召狄與楚欲道以伐晉諸侯是以睦於晉晉以諸侯之師伐秦戰於麻隧秦師敗績六年楚子使公子成以汝陰之田求成於鄭故鄭叛晉公將伐鄭范文子不可武子曰不可以當吾世而失諸侯及戰楚師大敗後州蒲不道迎立悼公而霸業復振書之力居多

風沙鼙鼓人仕於鼓子晉中行穆子旣克鼓以鼓子戴

鞮歸令鼓人各復其所非寮勿從夙沙釐以其孥
軍吏執之辭曰我君是事非事土也名曰君臣豈曰
土臣今君實遷臣何賴於鼓穆子召之曰鼓有君矣
爾止事君吾定而爵祿對曰臣委質於狄之鼓未委
質於晉之鼓也臣聞之委質爲臣無有二心委質而
策死古之法也君有烈名臣無叛質敢質私刑以煩
司寇而亂舊法其若不虞何穆子歎而謂其左右曰
何德之發而有是臣也乃使行旣獻言於頃公與
穆子田於河陰使夙沙釐相之

李 克魏相廣聞見善議論文侯待以先生之禮及克

中山文侯封其子擊而慮其有變也以克相之時苦
陘之吏上計而入多其前克執而免之國賴以安旣
克入見文侯以五言定相卒服翟璜

漢

韓嬰燕人景帝時由博士進常山太傅嬰推詩人之
意而作內外傳數萬言其語頗與齊魯間殊然歸一
也淮南貢生受之燕趙間言詩者由韓生韓生亦以
易授人推易意而爲之傳燕趙間好詩故其易微
韓氏自傳之武帝時嬰常與董仲舒論於上前其人
情悍處事分明仲舒不能及也

鄧晨字偉卿新野人更始北都洛陽以晨爲常山太守會王郎反光武自薊走信都晨亦間行會於鉅鹿下自請從擊邯鄲光武曰偉卿以一身從我不如以一郡爲我北道主人乃遣晨歸郡光武追銅馬高胡羣賊於冀州晨發積射士千人又遣委輸給軍不絕光武卽位封房子侯建武四年從幸壽春留鎮九江晨好樂郡職由是復拜中山太守吏民稱之常爲冀州高第

馬成字君遷棘陽人從光武征伐封平舒侯建武十四年屯常山中山以備北邊繕治障塞自西河至渭

橋太原至井陘中山至鄴皆築堡壁起烽燧十里一
堠泣事六年以勤勞徵還京師邊人多上書求請者
復遣成還屯及南單于保塞北方無事拜爲中山太
守上將軍印綬領屯兵如故後圖像雲臺

耿純字伯山鉅鹿人王郎反世祖自薊東南馳歸純
率宗族賓客數千人迎拜純爲前將軍封耿鄉侯降
宋子從攻下曲陽久之世祖曰軍營進退無常卿族
不宜並居軍中乃以純族人耿伋爲蒲吾長悉令親
屬居焉時正定王劉揚逆謀詎耿衆與綿曼賊通建
武二年遣純持節行幽冀密勅收揚至則以計延揚

兄弟入傳舍並誅之正定震怖無敢動

伏恭字叔齊東武人建武初除劇令以惠政公廉聞
青州舉爲尤異遷常山太守敦修學校教授不輟由
是北州多爲伏氏學永平二年代梁松爲太僕後帝
臨幸辟雍拜爲司空

張况襄國人族姊爲皇祖考夫人世祖過邯鄲見之
大喜曰乃今得我大舅乎因與俱北到高邑以爲元
氏令遷涿郡守年八十矣不任兵馬上疏乞身詔許
之後詔問起居子歆對曰如故詔曰家人居不足贍
且以一縣自養復以况爲常山關長會赤眉攻關城

况戰歿帝甚哀之子歆爲淮陽相終汲令孫禹封安鄉侯

周 綉字文通徐人永平中補南行唐長甫下車曉吏民曰朝廷不以長不肖使牧黎民而性讐猾吏志除豪賊且勿相試遂殺縣中尤無狀者數十人吏民大震

鄧 訓字平叔南陽新野人鄧禹第六子也永平中拜常山滹沱石臼河從都慮至羊腸倉欲令通漕吏人苦役連年無成轉運所經三百八十九隘前後沒溺死者不可勝算建初三年拜訓謁者使監領其事訓

考量隳括知大功難立具以上言肅宗從之遂罷其役更用驢輦歲省費億萬計全活者數千人

蔡湛脩武人靈帝光和二年爲藁城令有惠政民咸慕之立碑以頌其德云

三國

邢顒河間鄭人舉孝廉司徒辟皆不就魏武帝辟爲冀州從事時人稱之曰德行堂堂邢子昂除廣宗長以故將喪棄官有司舉正武帝曰顒篤於舊君有一致之節勿問更辟司空掾除行唐令勸民農桑風化大行入爲丞相門下督遷左馮翊以病去官

南北朝

張恂字洪讓上谷人魏太祖皇始初以中書侍郎出守廣平尋改守常山開建學校優顯儒士吏民歌咏之時喪亂之後罕能淬厲者唯恂當官清白仁恕臨下百姓親愛之治行爲當時第一太祖聞而嘉歎太宗卽位賜帛三百疋徵拜太中大夫及卒之日家無餘財贈并州刺史平臯侯諡曰宣

按明一統志載正定名宦酈道元爲鎮州長史行刺史事政尚嚴肅姦盜遠去查當山郡改恒州爲鎮州自唐元和十五年始北魏時尙非恒州安得有鎮州之名因考北史景明中道元曾任冀州鎮東府長史鎮州蓋鎮東之訛也通志舊志相沿註入牀都由此又魏書道元列酷吏傳頗爲失中然如明志竟得徂

豆名宦似
猶未允云

隋

韋 壽字世齡北陵人父孝寬周上柱國鄖國公壽在
周以貴公子早有令譽爲右待上士遷千牛備身趙
王爲雍州牧引爲主簿尋遷少御伯武帝親征高氏
拜京兆尹委以後事以父軍功賜爵永安縣侯高祖
爲丞相進封滑縣公俄以父喪去高祖受禪起令視
事尋遷恒州刺史有治名開皇十年以疾還卒於家
諡曰定

唐

李大亮涇陽人高祖時授土門令歲饑多盜大亮招亡散撫貧瘠賣所乘馬稍稍資業之勸墾田歲大熟間出擊盜所至輒平秦王行北境下書獎勞賜馬五乘帛五十段頃之賊大至度不能拒乃單馬詣營說豪帥爲分別禍福賊衆咸服遂相率降大亮殺所乘馬與之食步而返

王公政武德中恒州刺史劉黑闥陷恒州公政死之

薛季昶龍門人武后時爲河北道按察使初夏官郎中侯味虛將兵討契丹不利妄言賊行有蛇虎導軍季昶至斬味虛威震北方藁城尉吳澤射殺驛使髡民

女髮爲髽州不能劾季昶杖殺之然後布恩信甄表
善良

王無競世居東萊宋太尉宏之裔由下筆成章科調樂
城尉有清望三遷監察御史改殿中太子舍人會朝
宰相宗楚客與楊再思偶語無競叱曰朝臣尙敬公
等不宜怠慢楚客怒又詆權幸出爲蘇州司馬卒後
孫逖銘其墓曰萬卷精百夫特人之望邦之直

羅履溫南安人開元末爲元氏令公平稱職清儉當官
有善政民爲立清德碑

羅杲卿臨沂人天寶中守常山會安祿山反杲卿及長

史袁履謙謁於道賜杲卿紫袍履謙緋袍令與假子
李欽奏以兵七千屯土門杲卿指所賜衣謂履謙曰
與公何爲著此履謙悟乃與正定令賈深內邱令張
通幽等定謀討賊陰結太原尹王承業爲應使平盧
節度副使賈循取幽州謀泄祿山殺循尋以牛延珪
等守之杲卿佯不事事委政履謙潛召處士權渙郭
仲邕定策時真卿在平原素聞賊逆謀陰養死士
拒守計李愔等死賊使段子光傳首徇諸郡真卿
子光遣甥盧遜至常山約起兵斷賊北道杲卿大喜
以爲兵犄角可挫賊西鋒乃矯賊命召欽奏計事欽

奏夜還杲卿辭城門不可夜開舍之外郵履謙及叅
軍馮虔郡豪翟萬德等數人飲勞旣醉斬之並殺其
將潘惟慎賊黨殲投尸滹沱水履謙以首示杲卿則
喜且泣先是祿山遣將高邈召兵范陽未還杲卿使
藁城尉崔安石圖之邈至滿城虔萬德皆會傳舍安
石給以置酒邈捨馬虔叱吏縛之而賊將何千年自
趙來虔亦執之日未中送二賊杲卿乃遣萬德張通
幽傳欽奏首械兩賊送京師與泉明偕至太原王承
業欲自以爲功遣泉明還陰令壯士翟喬賊於路喬
不平告之故乃免元宗擢承業大將軍送吏皆賞已

而事顯乃拜杲卿衛尉卿兼御史中丞履謙常山太
守深司馬卽傳檄河北言王師二十萬入土門遣郭
仲邕領百騎爲先鋒馳而南曳柴揚塵望者謂大將
至日中傳數百里賊張獻誠方圍饒陽棄甲走於是
趙鉅鹿廣平河間並斬僞刺史傳首常山而樂安博
陵上谷文安信都魏鄴諸郡皆集杲卿兄弟兵大振
祿山至陝間兵興大懼使史思明等率平盧兵渡河
攻常山蔡希德自懷會師不涉旬賊急攻城兵少未
及爲守計求救於河東承業前以攘殺賊功按兵不
出杲卿晝夜戰井竭糧矢盡六日而陷與履謙同難

賊脅使降不應取少子季明加刃頸上曰降我當活
爾子杲卿不答遂並盧遜叔之杲卿至洛陽祿山怒
曰吾擢爾太守何所負而反杲卿瞋目罵曰汝營州
牧羊羯奴耳竊荷恩寵天子負汝何事而乃反乎我
世唐臣守忠義恨不斬汝以謝上乃從爾反耶祿山
不勝忿縛之天津橋柱節解以肉噉之詈不絕口賊
鈎斷其舌曰復能詈否杲卿含胡而絕年六十五履
謙旣斷手足何千年弟適在旁咀血噴其面賊齧之
見者垂泣杲卿宗子近屬皆被害杲卿已虜諸郡復
爲賊守張通幽以兄相賊譖杲卿於楊國忠故不加